

Broj: 05-02-6656/11
Sarajevo, 13.01.2012. godine

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM
SARAJEVO
Ul. Trg Bosne i Hercegovine 1
71 000 Sarajevo

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 01.02.2012			
Organizaciona jedinica	Klasifikaciona oznaka	Redni broj	Broj priloga
01-50-1-15-16/11			

-n/r g-din Mato Franjičević, zastupnik

-n/r g-din Denis Bećirović, Predsjedavajući Predstavničkog doma Parlamentarne skupštine BiH

Veza: Vaš akt broj: 01/a-50-1-15-16/11 od 27.12.2011. godine

PREDMET: Odgovor na zastupničko pitanje.-

Zastupnik Mato Franjičević postavio je zastupničko pitanje na 16. sjednici Predstavničkog doma Parlamentarne skupštine Bosne i Hercegovine, održanoj 22.12.2011. godine koje glasi:

„Obuhvaća li proces revizije u oblasti braniteljsko-invalidske zaštite u jednakoj mjeri sve one na koje se odnosi, sukladno zakonu, odnosno jesu li svi jednaki pred zakonom ili ima izuzetaka od primjene? Ako postoje izuzeci, jesu li oni utemeljeni na zakonu i njime predviđeni ili su rezultat političkih opredjeljenja Ministarstva, odnosno Vlade Federacije BiH?“

U vezi sa navedenim zastupničkim pitanjem dajemo slijedeći odgovor:

Odredbom člana 1. Zakona o provođenju kontrole zakonitosti korištenja prava („Službene novine FBiH“, br. 82/09), propisano je da će se izvršiti revizija svih korisnika prava ostvarenih prema propisima iz oblasti branilačko-invalidske zaštite i povoljnijeg penzinsiranja.

Članom 2. navedenog Zakona propisano je da revizija podrazumijeva provjeru uvjerenja o pripadnosti OS i okolnostima stradanja, provjeru i sravnjavanje podataka iz vojnih evidencija i Arhiva Armije RBiH, Arhiva HVO-a i Arhiva MUP-a, provjeru i preispitivanje validnosti medicinske dokumentacije i utvrđenog procenta njihovog invaliditeta, reviziju svih rješenja kojima je priznato pravo na ličnu ili porodičnu invalidninu, mjesečni novčani dodatak za dobitnike priznanja i penzije ostvarene pod povoljnijim uvjetima.

U skladu sa članom 6. stav 2. navedenog Zakona revizorski timovi su sastavljeni na paritetnoj osnovi komponenti Armije RBiH i HVO-a.

Dakle, Zakonom je osigurana jednakost boračkih prava u procesu revizije, prilikom donošenja mjesečnih planova rada revizorskih timova za kontrolu kojih ima 10, vodi se računa da se kontrola srazmjerno vrši u svim kantonima.

Revizorski tim za koordinaciju koji broji 8 članova, a sastavljen je na paritetnoj osnovi obje komponente, vrši koordinaciju, nadzor i praćenje Revizorskih timova za kontrolu.

Revizorski timovi za kontrolu dostavljaju izvještaj federalnom ministru, kantonalnim ministrima i direktorima uprava za pitanja boraca i invalida odbrambeno-oslobodilačkog rata te Revizorskom

timu za koordinaciju o svakoj izvršenoj reviziji, a federalni ministar izvještaj o reviziji dostavlja Vladi Federacije BiH i Parlamentu Federacije BiH.

Federalno ministarstvo Vladi Federacije BiH, dostavlja informaciju o postignutim rezultatima revizije najmanje tromjesečno.

Imajući u vidu naprijed navedeno, revizija se vrši u skladu sa Zakonom i utvrđenim pravom, nema izuzetaka u primjeni Zakona, svi korisnici su jednaki pred zakonom te u tom smislu korisnici prava mogu koristiti pravne lijekove i zaštitu pred nadležnim sudom.

S poštovanjem,



Dostavljeno:

1. Mato Franjičević, zastupnik Predstavničkog doma Parlamentarne skupštine BiH;
2. Denis Bećirović, Predsjedavajući Predstavničkog doma Parlamentarne skupštine BiH
Ul. Hamdije Kreševljakovića br. 3, Sarajevo;
3. a/a